



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 05-16-3-1128-9/23
Srebrenica, 05.07.2023. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj 39/14 i 59/22), Pravilnika o internim procedurama u postupku javne nabavke u Memorijalnom centru Srebrenica i direktnom sporazumu, broj: 01-02-3-1508/21 od 29.10.2021. godine, 01-02-3-170/23 od 23.01.2023. godine, i preporuke Komisije za nabavke konstatovane u Zapisniku o pregledu i ocjeni ponuda u postupku konkurentskog zahtjeva za dostavljanje ponuda, broj: 05-16-3-1128-8/23 od 05.07.2023. godine, direktor Službe Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, d o n o s i

ODLUKU
o izboru najpovoljnijeg ponuđača
u postupku konkurentskog zahtjeva za dostavljanje ponuda

Član 1.

Ugovor za nabavku roba: "**Nabavka materijala za izmještanje i montažu Spomen sobe**" u vrijednosti od 50.712,59 KM (slovima: pedeset hiljada sedam stotina dvanaest i 59/100 KM) sa uključenim PDV-om dodjeljuje se ponuđaču **MEISTER d.o.o. Sarajevo**, Igmanska do br. 75, 71320 Vogošća, koji je dostavio prihvatljivu ponudu sa najnižom cijenom.

Član 2.

Izabrani ponuđač iz člana 1. ove Odluke se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom Izjavom iz člana 45. stav (1) tačka a), b) c) i d) Zakona o javnim nabavkama.

Član 3.

U skladu sa članom 70. stav (6) i 71. Zakona o javnim nabavkama, ova će se Odluka objaviti na internet stranici www.srebrenicamemorial.org i to istovremeno s upućivanjem Odluke ponuđačima koji su učestvovali u postupku javne nabavke.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj: 05-16-3-1128-8/23 od 05.07.2023. godine u skladu sa članom 71. stav (2) Zakona o javnim nabavkama.

O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je u skladu sa članom 88. Zakona o javnim nabavkama, pokrenuo postupak konkurentskog

zahtjeva za dostavljanje ponuda, broj: 05-16-3-1128-1/23 od 23.06.2023. godine, za nabavku roba: „Nabavka materijala za izmještanje i montažu Spomen sobe“. Procijenjena vrijednost javne nabavke bez PDV-a iznosila je 44.025,68 KM.

Obavještenje o nabavci, broj: 1348-7-1-19-3-16/23 objavljeno je dana 23.06.2023. godine na Portalu javnih nabavki, kao i u „Službenom glasniku BiH“, broj 46/23 od 30.06.2023. godine, te je upućen zahtjev za dostavljanje ponuda na adrese tri potencijalna kandidata/ponuđača i to:

1. EKO NOVO GRADNJA d.o.o. Donji Vakuf,
2. ADAZAL d.o.o. Sarajevo; i
3. PUPEX d.o.o. Tuzla.

Komisija za javne nabavke imenovana je Rješenjem, broj: 01-16-3-169/23 od 23.01.2023. godine.

Iz Izvještaja o preuzimanju tenderske dokumentacije preuzetog sa Portala javnih nabavki na osnovu objavljenog Obavještenja, broj: 1348-7-1-19-3-16/23 od 23.06.2023. godine, utvrđeno je da je tendersku dokumentaciju preuzelo ukupno 6 kandidata-potencionalnih ponuđača.

Na osnovu Obavještenja o nabavci i tenderske dokumentacije izvršeno je javno otvaranje blagovremeno pristiglih ponuda na dan 04.07.2023. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, Potočari bb, Srebrenica, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da su ponudu blagovremeno dostavila dva (2) ponuđača sa ponuđenim cijenama kako slijedi:

1. MEISTER d.o.o. Sarajevo sa cijenom od 43.344,10 KM bez PDV-a i bez popusta;
2. EKO NOVO GRADNJA d.o.o. Donji Vakuf sa cijenom od 43.973,90 KM bez PDV-a i bez popusta.

Na javnom otvaranju ponuda je bio prisutan predstavnik ponuđača EKO NOVO GRADNJA d.o.o. Donji Vakuf.

Dana 05.07.2023. godine, Komisija se ponovo sastala radi pregleda i ocjene dostavljenih ponuda, te konstatuje da ponuđač pod rednim brojem 2. EKO NOVO GRADNJA d.o.o. nije preuzeo tendersku dokumentaciju sa portala javnih nabavki (Izvještaj broj: 1348-7-1-19/23 od 05.07.2023. godine) što nije u skladu sa stavovima člana 9. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, br. 90/14 53/15 i 80/22) iz kojih jasno proizilazi da u slučaju kada ugovorni organ tendersku dokumentaciju objavi na portalu javnih nabavki to postaje jedini mogući način preuzimanja TD i ta činjenica predstavlja jedini osnov za učešće privrednog subjekta u postupku.

U skladu sa navedenim, ponuda ponuđača EKO NOVO GRADNJA d.o.o. koji nije preuzeo TD sa portala javnih nabavki je u procesnom smislu neprihvatljiva, te se kao takva odbija, odnosno isključuje iz daljeg toka postupka i ista nije bila predmet pregleda i ocjenjivanja.

Komisija je u nastavku pristupila pregledu i ocjeni druge ponude, te utvrdila da je ponuđač MEISTER d.o.o. Sarajevo, dostavio tehnički zadovoljavajuću ponudu, da je ispunio sve uslove

propisane članom 45. do 52. Zakona, kao i minimalne uslove za kvalifikaciju propisane tenderskom dokumentacijom.

U skladu sa prednje navedenim, Komisija je zauzela stav da je ponuda ponuđača MEISTER d.o.o. Sarajevo prihvatljiva ponuda.

S obzirom da je na adresu ugovornog organa pristigla jedna prihvatljiva ponuda, prema uslovima iz tenderske dokumentacije, e-aukcija se nije mogla zakazati u skladu sa odredbama Pravilnika o uslovima i načinu korištenja e-aukcije ("Sl. glasnik BiH" broj 66/16).

Komisija je predložila ugovornom organu da se ugovor za nabavku roba: "Nabavka materijala za izmještanje i montažu Spomen sobe" u vrijednosti od 43.344,10 KM bez PDV-a, odnosno 50.712,59 KM (slovima: pedeset hiljada sedam stotina dvanaest i 59/100 KM) sa uključenim PDV-om dodjeli ponuđaču MEISTER d.o.o. Sarajevo, Igmanska do br. 75. 71320 Vogošća, koji je dostavio prihvatljivu ponudu sa najnižom cijenom.


Komisija je sačinila Zapisnik o pregledu i ocjeni ponuda, broj: 05-16-3-1128-8/23 od 05.07.2023. godine, koji je sastavni dio ove Odluke i kao takav se dostavlja svim učesnicima u postupku javne nabavke.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za provođenje postupaka javne nabavke.

U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa. Žalba se predaje u pisanoj formi direktno na protokol Ugovornog organa ili šalje preporučenom poštom u roku od 5 (pet) dana od dana prijema ove Odluke. Žalba se podnosi u najmanje 3 (tri) primjerka.



Dostaviti:

1. MEISTER d.o.o. Sarajevo;
2. EKO NOVO GRADNJA
d.o.o. Donji Vakuf
3. Predmet;
3. Arhiv

Prilog:

- *Zapisnik o pregledu i ocjeni ponuda,*
broj: 05-16-3-1128-8/23 od 05.07.2023. godine.